

Seizcou banhaet, mbwn lamzsisi, gou gag hai ci coh ranzcoj buet bae.

Bi lai mbouj dauq ranzcoj lo, seizneix ndawsim miz di gikdoengh. Gij oij song henz roen haenx gaenq maj ndaej heuswdswd, raq rumzcou ci gvaqdaeuj, mbaw oij yiengjsasa, couhlumj ciengq go nei. Dinndoi dwg doenghnaz, gij haeux henjswdswd ndaw naz haenx fan hwnj caengz-caengz “langh iq”, ndeiyaewj dangq-maz. Bineix youh dwg bi haeux fag maek baenz ndeu!

Yaep he, aenci gou gaenq baenq haeuj diuz lohsuijniz moqsagsag youh bingz youh soh he bae. Song henz loh ndaem miz song baiz gofaex, rumz ci gvaqdaeuj, mbawfaex bi bae bi dauq, couh lumj angqcoux bouxhek haeuj mbanj daeuj nei! Mbouj sijsaeq yawj, gou caen laihnaeuz byaij loek roen dem, gou caen miz di mbouj saenq, diuz roen neix couh dwg diuzroen ranzcoj dou.

Ranzcoj caeuq daihloh gek miz

sanjvwnz

Diuzroen Ranzcoj

老家那条路

□ Lingz Siuyangh/凌秀香

caet goengleix gyaе. Gaxgonq haeuj mbanj cij miz diuz roennamh iq sam mij gvangq he. Gyoengq vunzmbanj bae haw, lwgnyez bae hag cungj dwg byaij diuz roen neix. It bae ngeih dauq, diuz roen neix bienqbaenz diuz roen yamq din couh miz sam aen gumz ndeu. Ngoenzndit, faenx mbinfofo, ngoenz doekfwn, gwnz roen boengz-myagmyag, vunz byaij ra dieg cuengq din cungj mbouj miz.

Aenvih mbouj doeng loh, gij

doxgaiq ndaw mbanj mbouj miz banhфap gai ok rog bae, cijndei gag ndaem gag gwn; mou yiengz cwz vaiz caeuq bit gaeq ciengx hung le hix gai mbouj ndaej gyaqcienz.

Miz vah naeuz: “Aeu miz ngaenz, sien doeng roen”. Bi’gvaq ndaw yienh giydung guh goengloh suiјniz gunghcwngz, doenggvaq yienh caiz-cwng ok faenh ngaenz he, vunz mbanj ok faenh he, heuh daengx mbanj haigoeng guh roensuiјniz. Gyoengq-

vunz ranzcoj cungj angqyangz hwnjdaeuj lo, mwngz sam bak, gou haj bak gien cienz okdaeuj guh goengloh. Dingqgangj diuz roensuiјniz neix cij yungh ndwen lai couh guh baenz lo.

Seizneix miz diuz loh neix le, ndaw mbanj ranzranz cawx ci mozdoz, mizmbangj lij cawx cifanghdoh dem, daengx ngoenz bae dauq dawz gij doxgaiq gag ndaem ndaej haenx bae haw gai, daehcienz ngoenz beij ngoenz bongz, saedceij ngoenz beij ngoenz ndei. Ndaw mbanj ranzlaeuz aen rangh aen, ciengz hau lumj siet, cueng ndongq gingq loeg, dingjlaeuz lij nem miz vax henj dem, daj gizgyae yawj bae, gwnz henj laj hau, gyaеundei lumj fukdozveh……

Gou ndwn youq gyaеujmbanj, yawj diuzroen ranzcoj neix, gikdoengh raixcaix: Diuz roen ranzcoj neix yaek yinx vunzmbanj byaij hwnj diuzloh fouqmiz, gyoengq vunzmbanj saedceij yaek yied gvaq yied hoenghwd.

Siengjmuengh Cungguk Raeuz

我们的中国梦

□ Suh Dasingh /苏大星

Siengjmuengh Cungguk raeuz
Cujsiz naeuz ndaej cingh
Daengx guеk vunzlai dingq
Nyi singisien mingzбeg

Laeb dangj ndaej bak bi
Raeuz hix haeuj siujganh
Gwndaenj ndaej daezsang
Saedceij angq vaiqvued

Laeb guеk daengz bak nienz
Cungguk bienq fouqgiengz
Minzcuz hwng mbaek sang
Yinzminz angq vuenyungz

Ngeihcib sigij co
Guek raeuz goj daiq nyieg
Gienz guеk daeuj caiјcieg
Mbouj miz dieg mbefat

Sunh Cunghsanh hwnjdaeuj
Saeuh(hoenx) Cinghcauz roengzdaiz
Ra loh minzcuj byaij
Lij saetbaih gvaq ndwi

Gungcanjdangj gwzming
Hoenx hingz fanjdungbai
Laeb guеk ndei anbaiz
Byaij seveicujyi

Hengz gaiјgwz gaihfang
Deng baengh dangj dazyinx
Fazcanj vaiq lumj mbin
Lumj cin daengz va langh

Siengjmuengh yinzminz gyaеu
Ndei aeu vunz guh bonj
Minzswngn byaij bae gonq
Caez an’ onj fouqmiz



Ranzmbanj Gyaеundei

Cungguk raeuz giengzhung
Mbouj bae cung guеk wnq
Doxhuz fazcanj swnh
Bau laјmbwn bingzan

Gangj Au Daiz beixnuengx
Muengh naek Cunghvaz cingz

Caezgya caemhcaez bingq
Dingh fukhwng Cunghvaz

Cungguk lizsij raez
Seiqgyaiq caez naeuz lig
Mbouj caeuq vunz guh dig
Fazcanj gig lei h biengz

Se Dunghlaiz rox Veiz Gozcingh gig gvansim Guengjsae ndaem gofoed, cix daegdaengq soengq gij caizliu Yungzyen sawq ndaem go’ nywjvahoengz caeuq gomaenz ndaej-baenz haenx hawj de, caemhcai q naeuz de nyi: Yungzyen sawq ndaem go’ nywjvahoengz cung byoengq le “dieggimq”, gij caizliu neix cigndaej yawjyawj.

Veiz Gozcingh dwg boux lingj-dauj rox ca saeh denjhingz ndeu, de yawj gvaq gij caizliu Yungzyen le, angq dangqmaz. De nyinhnaeuz, gij gingniemh Yungzyen, dwg gienh saeh Guengjsae ndaem gofoed ndaej cungbyoengq hungloet ndeu, aen yienh neix yaek bang daengx gih gaiјgez ceh gofoeg caeuq beizyangj dieglig buq diuz roen gvangqlangh ndeu. Youq aen hai Hoih Sweigih Daihngaih Baez Dangidaivei gaxgonq, Swcigih hai le Hoih Sam Gaep

Ganbuvei, youq gwnz hoih, Veiz Gozcingh gaisau le gij gingniemh Yungzyen hawj daihgya, caemhcai q bihbingz le 《Gvangjsih Yizbau》, naeuz Yungzyen gienh saeh denj-hingz neix, vihmaz mbouj ndaej hwnjbauq? Vanzlij naeuz, de gvaq duenh ndeu yaek bae gizde ngonz gofoed.

Ngoenzhaenx, fwn saeq doek mbouj dingz, bang vunz Veiz Gozcingh banringz 12 diemјcung

daeuj daengz Yungzyen Yenveijvei, Veiz Suveih sien gaisau yenveij suhgi Cangh Dazmingz hawj Veiz Gozcingh gonq, liux le youh gaisau Dingh Saulanz, gangj de dwg boux fusuhgi faenguenj nungzyez ndeu, Yungzyen sawq ndaem gofoed dwg Dingh suhgi caenfwnгz gaemguenj. Veiz Gozcingh naeuz: “Caeux dingq gvaq aencoh mwngz lo, seizneix cij ndaej roxnaj. Mwngz sawq ndaem gofoed damq ok gingniemh daeuj ndei lai bw!”

Cangh Dazmingz genyi: “Raeuz gwn ngaiz gonq, yietnaiq yaep ndeu le dou cij gyoeblnh hong hawj mwngz, ndaej lwi?”

Veiz Gozcingh hannaеuz: “Ndei, gwn ngaiz gonq, gwn imq le cix dingq sou lwnh ndaem gofoed hawj dou, liux le caiq bae ngonz gofoeg, mbouj yietnaiq lo. Song boux sou miz yigen lwi?”

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Ganbuvei, youq gwnz hoih, Veiz Gozcingh gaisau le gij gingniemh Yungzyen hawj daihgya, caemhcai q bihbingz le 《Gvangjsih Yizbau》, naeuz Yungzyen gienh saeh denj-hingz neix, vihmaz mbouj ndaej hwnjbauq? Vanzlij naeuz, de gvaq duenh ndeu yaek bae gizde ngonz gofoed.

Ngoenzhaenx, fwn saeq doek mbouj dingz, bang vunz Veiz Gozcingh banringz 12 diemјcung

daeuj daengz Yungzyen Yenveijvei, Veiz Suveih sien gaisau yenveij suhgi Cangh Dazmingz hawj Veiz Gozcingh gonq, liux le youh gaisau Dingh Saulanz, gangj de dwg boux fusuhgi faenguenj nungzyez ndeu, Yungzyen sawq ndaem gofoed dwg Dingh suhgi caenfwnгz gaemguenj. Veiz Gozcingh naeuz: “Caeux dingq gvaq aencoh mwngz lo, seizneix cij ndaej roxnaj. Mwngz sawq ndaem gofoed damq ok gingniemh daeuj ndei lai bw!”

Cangh Dazmingz genyi: “Raeuz gwn ngaiz gonq, yietnaiq yaep ndeu le dou cij gyoeblnh hong hawj mwngz, ndaej lwi?”

Veiz Gozcingh hannaеuz: “Ndei, gwn ngaiz gonq, gwn imq le cix dingq sou lwnh ndaem gofoed hawj dou, liux le caiq bae ngonz gofoeg, mbouj yietnaiq lo. Song boux sou miz yigen lwi?”

(caengz sat)